

Der Freiherr

Fröh stäihst af, wenna dir grad pabst,
brauchst kan Wecker rasseln lassen,
kerrst etz nemmer zu döi Massn,
döi, wou fröh scho uma Sechsa,
packn hasti zsamm ihr Vespa,
renna zu der Ärbat hin,
daß dort net die Letztn sin. -

Bist a Rentner, zuor allah,
doch " a freier Herr bist ah! "
Trinkst mit Rouh dein Kaffee aus,
gäihst dann schöi brov außer Haus.
jeder gröibt di, der di kennt,
mancher hasti vorbeirennt.
Bist mit allem schöi zufriedn,
houst mit kan a noni gstrietn.

Bist ebn " a Freiherr " ,
houst dein Stolz,
nebnbei gschnitzt aus edlem Holz.

Essn toust in an Lokol,
a gouts Schnitzel oft amol.
Trinkn toust dei bayrisch Bier.
Wer mißt si su schnell mit dir?

Obnd legsti ind Klappn nei,
wider is a Tog vorbei !